



Број: 05/7-50-13-218-42/18

Сарајево, 17. 10. 2018.

Z A P I S N I K

42. sjednice Vijeća nacionalnih manjina BiH, održane 17. 10. 2018.

Sjednica Vijeća nacionalnih manjina BiH počela je u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Marija Grbić, Dejan Piotrovski, Jovanka Manžalović-Šalaka, Dragan Marković, Velibor Kuvač, Todorka Jovanović, Vjeročka Gajić, Silvija Vujović, Eva Pašić-Juhas, Nedžad Jusić, Hakan Varan, Halil Bicaj i Mladen Radmilović.

Sjednici nisu prisustvovali: Davor Ebner i Jakob Finci.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, Mirza Redžić, predstavnik Vijeća nacionalnih manjina Crne Gore, Armin Dervoz i Maja Lukić-Schade, predstavnici Vijeća Evrope u Sarajevu, Enver Bogućanin i Zoran Brkić, Sektor za odnose s javnošću Parlamentarne skupštine BiH, Aida Kreho, sekretarka Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Ajdin Selimović, volonter u Zajedničkoj komisiji za ljudska prava.

Nakon što je predsjedavajući otvorio sjednicu, uslijedila je rasprava o prijedlogu dnevnog reda. Tokom rasprave Eva Pašić-Juhas predložila je da se u okviru tačke Razno razmatra finansiranje rada udruženja nacionalnih manjina u Bosni i Hercegovini, dok je predsjedavajući Tihomir Knežiček predložio da se

pod tačku Razno uvrsti nova tačka: *Kritika na rad Parlamentarne skupštine BiH i Zajedničke komisije za ljudska prava.*

Članovi Vijeća nacionalnih manjina BiH su, s **15 glasova „za“ i jednim glasom „suzdržan“**, prihvatili dopunjeni

DNEVNI RED

1. Usvajanje Zapisnika 41. sjednice Vijeća nacionalnih manjina BiH;
2. Razmatranje finaliziranja Prijedloga kriterija za izbor članova Vijeća nacionalnih manjina BiH;
3. Razmatranje Plana posjeta općinama/gradovima u BiH;
4. Razmatranje prijedloga za dodjelu zahvalnica Ministarstvu za ljudska prava i izbjeglice BiH;
5. Razno:
 - a) Informacija o održanom sastanku s predstavnikom Ureda za demokratske institucije i ljudska prava OSCE-a Alesandrom Rotom, analitičarem za nacionalne manjine, u vezi s održavanjem Općih izbora u BiH 2018. godine,
 - b) Informacija o sastanku s predstavnicom Human Rights Watcha iz Berlina, održanom 7. 9. 2018, u vezi s podacima za godišnji izvještaj Human Rights Watcha o zaštiti ljudskih prava u BiH,
 - c) Informacija o usvojenim zaključcima s 2. sastanka Upravnog odbora u Projektu “Jačanje zaštite nacionalnih manjina u Bosni i Hercegovini”, Trebinje, 7. 9. 2018,
 - d) Informacija o održanoj obuci u oblasti primjene i praćenja Okvirne konvencije za zaštitu nacionalnih manjina kao i Evropske povelje za manjinske i regionalne jezike,
 - e) Informacija o obilježavanju 15 godina Saveza nacionalnih manjina Republike Srpske i Smotri nacionalnih manjina u Banjoj Luci 22. 9. 2018,
 - f) Razmatranje finansiranja rada udruženja nacionalnih manjina u Bosni i Hercegovini,
 - g) Kritika na rad Parlamentarne skupštine BiH i Zajedničke komisije za ljudska prava.

Ad. 1. Usvajanje Zapisnika 41. sjednice Vijeća nacionalnih manjina BiH

Predsjedavajući Tihomir Knežiček otvorio je raspravu o ovoj tački dnevnog reda.

Nije bilo rasprave pa su članovi, **s 15 glasova „za“ i jednim glasom „suzdržan“, usvojili** Zapisnik 41. sjednice.

Ad. 2. Razmatranje finaliziranja Prijedloga kriterija za izbor članova Vijeća nacionalnih manjina BiH

Tihomir Knežiček otvorio je raspravu o ovoj tački dnevnog reda. U raspravi su učestvovali: Eva Pašić-Juhas, Nedžad Jusić, Velibor Kuvač, Andrija Svatok, Dejan Piotrovski, Mladen Radmilović, Marija Grbić, Želimir Lalić, predstavnik Ministarstva za ljudska prava i izbjeglice BiH.

Nakon rasprave, članovi Vijeća nacionalnih manjina BiH su, **s 11 glasova „za“ i jednim glasom „protiv“, usvojili** sljedeće kriterije:

Opći kriteriji

1. Kandidat mora biti državljanin BiH;
2. Kandidat mora biti stariji od 18 godina;
3. Kandidat mora biti član aktivnog udruženja nacionalne manjine kojoj pripada;
4. Kandidat mora potpisati izjavu o pripadnosti nacionalnoj manjini za koju se kandidira;
5. Kandidat mora dostaviti izjavu o odricanju od prava na članstvo u drugim vijećima nacionalnih manjina na bilo kojem nivou vlasti u Bosni i Hercegovini u slučaju izbora u Vijeće nacionalnih manjina Bosne i Hercegovine, s obzirom na to da kandidat ne može istovremeno biti član drugog vijeća nacionalnih manjina na bilo kojem nivou vlasti u Bosni i Hercegovini.

Preporučeni/dodatni kriteriji

1. Kandidat poznaje ustavnopravni okvir Bosne i Hercegovine i međunarodne konvencije u domenu zaštite ljudskih prava i prava manjina;
2. Kandidat ima praktično iskustvo u domenu zaštite ljudskih prava i prava manjina;
3. Kandidat aktivno učestvuje u projektima i radu udruženja koja se bave pitanjima nacionalnih manjina;

4. Kandidat uživa podršku aktivnih udruženja nacionalne manjine kojoj pripada. Udruženja koja predlažu kandidata prilažu i godišnji finansijski izvještaj za prethodnu godinu;
5. Kandidat ima preporuku Saveza udruženja nacionalnih manjina, ako je udruženje kojem pripada članica Saveza.

Nakon usvajanja kriterija za izbor članova Vijeća nacionalnih manjina BiH, predsjedavajući je podsjetio na zaključak s prvog zajedničkog sastanka svih vijeća nacionalnih manjina BiH „da će se svi prijedlozi kriterija za izbor članova Vijeća nacionalnih manjina razmatrati na zajedničkom sastanku svih vijeća nacionalnih manjina BiH, čije je održavanje planirano u periodu od 1. 11 do 31. 12. 2018, kada će biti utvrđen zajednički prijedlog kriterija i dostavljen svim nadležnim tijelima.

Ad. 3. Razmatranje Plana posjeta općinama/gradovima u BiH

Nakon što je predsjedavajući otvorio raspravu o ovoj tački dnevnog reda, u raspravi su učestvovali: Eva Pašić-Juhas, Nedžad Jusić, Andrija Svatok i Dragan Marković.

Članovi Vijeća, kao dio godišnje aktivnosti koju trebaju realizirati, **jednoglasno su usvojili** prijedlog da se posjeti Tuzla od 19. 11. do 23. 11. 2018. i Prnjavor od 10. 12. do 15. 12. 2018, gdje bi se ujedno održale i sjednice Vijeća nacionalnih manjina BiH. Tačni datumi odlaska odredit će se naknadno.

Ad. 4. Razmatranje prijedloga za dodjelu zahvalnica Ministarstvu za ljudska prava i izbjeglice BiH

Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Dragan Marković, Eva Pašić-Juhas i Velibor Kuvač.

Nakon rasprave, članovi Vijeća nacionalnih manjina BiH su, s **14 glasova „za“ i jednim glasom „suzdržan“**, podržali prijedlog da se uputi zahvalnica Odsjeku za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama Ministarstva za ljudska prava i izbjeglice BiH, zbog izuzetne podrške promociji rada Vijeća nacionalnih manjina BiH i unapređenju položaja pripadnika nacionalnih manjina u BiH.

Ad. 5. Razno

- a) Informacija o održanom sastanku s predstavnikom Ureda za demokratske institucije i ljudska prava OSCE-a Alesandrom Rotom, analitičarem za nacionalne manjine, u vezi s održavanjem Općih izbora u BiH 2018. godine**
- b) Informacija o sastanku s predstavnicom Human Rights Watcha iz Berlina, održanom 7. 9. 2018, u vezi s podacima za godišnji izvještaj Human Rights Watcha o zaštiti ljudskih prava u BiH**
- c) Informacija o usvojenim zaključcima s 2. sastanka Upravnog odbora u Projektu Jačanje zaštite nacionalnih manjina u Bosni i Hercegovini, Trebinje 7. 9. 2018.**
- d) Informacija o održanoj obuci u oblasti primjene i praćenja Okvirne konvencije za zaštitu nacionalnih manjina kao i Evropske povelje za manjinske i regionalne jezike**
- e) Informacija o obilježavanju 15 godina Saveza nacionalnih manjina Republike Srpske i Smotri nacionalnih manjina u Banjoj Luci 22. 9. 2018.**

Članovi Vijeća nacionalnih manjina BiH **jednoglasno** su primili k znanju navedene informacije.

f) Razmatranje finansiranja rada udruženja nacionalnih manjina u Bosni i Hercegovini

Predsjedavajući Tihomir Knežiček otvorio je raspravu o ovoj tački dnevnog reda. U raspravi su učestvovali: Eva Pašić-Juhas, Andrija Svatok, Želimir Lalić, predstavnik Ministarstva za ljudska prava i izbjeglice BiH, Velibor Kuvač, Jovanka Manzalović-Šalaka i Nedžad Jusić.

Nakon rasprave, članovi Vijeća su, s **13 glasova „za“ i tri glasa „suzdržan“**, **usvojili** zaključak da se organizira posebna sjednica Vijeća nacionalnih manjina BiH, na kojoj bi se, s obzirom na kompleksnost problematike, sa šireg aspekta razmatralo finansiranje rada udruženja nacionalnih manjina u Bosni i Hercegovini.

g) Kritika na rad Parlamentarne skupštine BiH i Zajedničke komisije za ljudska prava

Tihomir Knežiček, kao predlagač ove tačke dnevnog reda, obrazložio je svoj prijedlog da se Parlamentarnoj skupštini BiH i Zajedničkoj komisiji za ljudska prava uputi kritika na dosadašnji rad i nepružanje podrške Vijeću nacionalnih manjina BiH. Od nekoliko slučajeva posebno je naglašeno nerazmatranje dopisa od 21. 2. 2018, upućenog domovima Parlamentarne skupštine BiH, koji su za to dalje zadužili Zajedničku komisiju za ljudska

prava, kojim je predloženo donošenje zaključka u smislu poštivanja Zakona o pravima pripadnika nacionalnih manjina, posebno sa aspekta osiguravanja finansiranja udruženja nacionalnih manjina. Spomenuti dopis, podsjetio je predsjedavajući, nije razmatran jer Zajednička komisija za ljudska prava nije imala kvorum za rad.

U raspravi su učestvovali: Tihomir Knežiček, Nedžad Jusić, Velibor Kuvač, Dragan Marković, Mladen Radmilović i Dejan Piotrovski. Nakon rasprave, u kojoj je podržana inicijativa predsjedavajućeg, dogovoreno je da se do naredne sjednice pripremi tekst dopisa, te da će se o sadržaju izjasniti članovi na samoj sjednici.

Sjednica Vijeća nacionalnih manjina BiH završena je u 14.20 sati.

Sastavni dio Zapisnika je tonski snimak 42. sjednice Vijeća nacionalnih manjina BiH.

Stručna savjetnica
Branislava Vignjević

Predsjedavajući
Prof. dr. Tihomir Knežiček